



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput XXIX. Ratione lucri cessantis, damnique emergentis, ex mutuo  
aliquid ultra sortem, sub certis conditionibus, exigere licet.

---

[urn:nbn:de:hbz:466:1-73203](#)

non repetendi rem venditam: eò quòd obligatio ista sit de ratione venditionis, sufficienterque compensetur valore rei venditæ; prior verò obligatio habeat se antecedenter ad venditionem; distinctam proinde habeat a estimabilitatem; ita similiter, &c.

**350** Respondeo 2°. negando antecedens: utpote quod speculativæ quidem veritatis apparentiam habere videtur (eò quòd obligatio ista mutuo extrinseca esse videatur: utpote illud antecadens) practicè tamen non est admittendum, si non intelligatur de obligatione mutuandi passim omni mutuum pertenti (prout in Montibus Pietatis) vel saltem mutuandi huic vel illi, quoties mutuum petierit, sed de sola obligatione hæc vice mutuandi huic personæ mutuum hic & nunc perenti. Alias hoc prætextu semper palliari possent usurpe. Nec prætextus iste justus est: quia licet dicta obligatio sit pretio a estimabilis; non alio tamen, quam refusione fortis, nisi aliis accedat titulus, vel specialis difficultas parandi pecuniam, distincta a difficultate mutuandi. Quia tunc non habetur specialis ratio istius obligationis in contrariabus mutui, magis quam venditionis: eò quòd censatur titulus quæfutus, non verus. Et quamvis metaphysice præcedat mutuum, vel venditionem proximè sequentem, tam modica præcedentia moraliter reputatur nulla, feclusa speciali difficultate, &c.

**351** Objectiones 4°. mutuum longæ durationis non habet se ad mutuum parvæ durationis, sicut mutuum in materia magna, ad mutuum in parva. Igitur ruinosum est assertionis nostræ fundamentum. Probatur antecedens, quia mutuum in materia magna sufficienter compensatur magnâ sorte redditâ; mutuum verò longæ durationis non compensatur sufficienter iolâ sorte redditâ: siquidem mutuarius solâ redditione fortis, nihil reddit correspondens obligationi non repetendi ad longum tempus.

Respondeo, quod sicuti mutuum 100. flor. compensatur redditione 100. flor. sic obligatio non repetendi illos ad annum (quo manufaci erant otiosi, quomodo considerantur in conclusione) compensatur obligatione post annum reddendi illos, quidquid intra annum illum acciderit, ita ut mutuarius, donec reddiderit, totum illorum periculum subire debeat.

**352** Instabis: obligatio non repetendi ad annum plus valet, quam obligatio non repetendi ad mensem; illud autem plus non compensatur præcisâ redditione fortis: utpote quâ non compensatur privatio facultatis utendi sorte, ex eaque lucrum captandi tanto tempore; quæ profecto privatio est pretio a estimabilis.

Respondeo negando antecedens: si mutuans non erat post mensem usurus re mutuatâ, sed otiosam ad finem anni servaturus, mutuarius verò aliunde supponatur toto

anno subiectus obligationi respondendi de periculo ejusdem. Tunc enim obligatio non repetendi ad annum censetur sufficienter compensari per reciprocam obligationem proxime dictam. Nec verum est utendi vel lucrandi facultatem esse pretio a estimabilem in dicto casu supra a estimabilitatem fortis, & dicti periculi: neque enim ratio habetur lucri solum possibiliter futuri, sed in re vel in spe probabili de facto futuri. Hinc juxta Rotam Romanam (apud Seraphinum decif. 106. n. 6.) & præxim Romanam, Venetiam, Neapolitanam, Genuensem, &c. non potest quis in foro externo exigere lucrum cessans ex mutuo, nisi probet se solutum negotiari, nec usque in præsens negotiationem abjecisse. Nec de remoto interesse ulla habenda est ratio (ait Rota Genuensem decif. 139.) sed de proximo duntaxat.

## C A P U T X X I X .

*Ratione lucri cessantis, damnum emergentis, ex mutuo aliquid ultra sortem, sub certis conditionibus, exigere licet.*

**Q** UOD liceat aliquid ultra sortem exigere. **353** Re titulo damni emergentis, convenienter omnes Doctores, traditique aperte S. Thomas q. 72. a. 2. ad 1. dicens, quod ille qui mutuum dat, potest absque peccato in pactum deducere . . . . recompensationem damni, per quod subirabitur sibi aliquid quod debet habere. Et probat hæc ratione: hoc enim non est vendere usum pecunia, sed damnum vitare.

Quod etiam liceat aliquid exigere titulo **354** lucri cessantis, negat quidem Dominicus Sotus l. de just. q. 1. negant & plerique alii, videturque primâ facie negare S. Thomas loco citato dicens: *Recompensationem vero damni, quod consideratur in hoc, quid de pecunia non lucratur, non potest in pactum deducere. Quia non debet vendere id quod nondum habet, & potest impediri multipliciter ab habendo.* At reverè non negat in pactum deduci posse recompensationem istius damni pro valore spei de lucro percipiendo, sed solum vult, in pactum deduci non posse compensationem totius lucri, solum futuri in spe probabili, non certâ: utpote quod, dum non est nisi in spe, & potentia probabiliter actuanda, varieque impetrabilis, non tanti valeret, ac si præstantialiter existeret, vel certò extiturum foret. Itaque sanctus Doctor non negat, spem, & potentiam proximam lucri probabiliter futuri (qua præstantialiter existit) valere aliquid, posseque aliquid exigere pro valoré illius; immo id virtualiter concedit q. 62. a. 4. his verbis: *Aliquis damnificatur dupliciter. Uno modo, quia auferitur ei id quod actu habet; & tale damnum est semper restituendum secundum recompensationem equalis: prout si aliquis damnificet aliquem, dirimens dominum ejus, tenetur ad tantum, quantum valeat dominus. Alio modo, si damnificet aliquem, im-*

pediendo ne adipiscatur quod erat in via habendi. Et tale damnum non oportet recompensare ex aequo: quia minus est aliquid habere in virtute, quam habere actum. Qui autem est in via adipisci aliquid, habet illud solum secundum virtutem, vel potestatem. Et ideo se reddetur ei ut haberet hoc in actu, restituatur ei quod est ablatum, non simpliciter, sed multiplicatum. Tenetur tamen aliquam recompensationem facere, secundum conditionem personarum, & negotiationum.

355 Assertionem itaque nostram, permittentem aliquid ultra sortem exigere, titulo lucri cessantis, non ad aequalitatem lucri, quod probabiliter speratur, sed pro valore spei probabilis illius (ut infra) in simili tradit S. Thomas, camque formaliter docent Sylvester, Cajetanus, Conradus, Adrianus, Covarruvias, Navarrus, Azor, Valentia, & alii communiter. Et

356 Probatur 1°. quia qui lucrum probabilitas speratum sibi petit compensari, petit quod justum est, ne scilicet ex beneficio alteri collato damnum, seu lucri illius jacturam reportet. Nec enim patitur aequitas, ut pro beneficio dispendium patiatur, qui potius meretur primum. cap. pervenie de fidejussoribus.

357 2°. pecunia destinata negotiationi, vel alteri lucrative applicationi, & exinde per destinantis industrias frugifera, pluris valet, quam ipsa eadem, secundum se praeceps spe. Ita. Igitur amplioris illius valoris, deductis deducendis, compensatio merito exigetur, supra valorem pecuniae, spectatae praeceps secundum se.

358 3°. certissimum videtur, spem lucri probabiliter futuri, esse pretio estimabilem supra valorem rei, spectatae praeceps secundum se: cum ex jure constet, spem probabilem capturæ pilicum, ex jactu retis, justo pretio vendi posse. L. si jactum ff. de acq. empt. Idemque est sensus omnium de probabilite fructuum agri, vel fructuum pecoris nondum editorum, &c. Certissimum ergo pariter videtur, aliquid exigi posse pro ipso illa probabili, quam mutuans se privat in gratiam mutuatarii.

359 4°. si quispiam me roget, ut, in ipsis obsequiis, labore meum omittam, vel fibi commodem instrumenta artis, quibus viictum lucrari soleo; nemini dubium est, me posse cum eo pacisci de compensando mihi lucro; alias sperato ex labore illo, & instrumentis, pro valore spei, deductis deducendis. Similiter ergo in mutuo.

360 5°. omnes fatentur esse licitum pacisci de lucro cessante, quando mutuare quis compellitur per potentiam Regis, vel alterius praepotentis. Istud autem foret illicitum, si spes dicti lucri pretio estimabilis non esset ultra sortem: cum compulsione illa non augeat valorem rei mutuatae.

361 6°. par est ratio lucri cessantis, damni que emergentis, nec aliud est utriusque dis-

crimen, nisi quod damnum emergens sit ja-  
ctura boni habiti in re, sive in actu; lucrum  
vero cessans sit jactura boni soli habiti in  
spe. Ex isto vero discrimine sequitur qui-  
dem, totum bonum speratum non posse exi-  
gi, perinde ac si esset in actu; non autem  
exigi non posse, secundum valorem praesen-  
tis spei: utpote quam constat de praesenti  
aliquid valere.

7°. jactura illius spei vere est damnum 362.  
quoddam emergens: utpote jactura boni  
actu habiti; quippe illa habetur actu, &  
valet aliquid. Titulus vero damni emergen-  
tis aliquid exigi posse, nemo est qui revocat  
in dubium.

8°. si probabilis spes lucri non foret ju- 363  
stus titulus pro eo aliquid exigendi, merca-  
tores illicite venderent merces suas supra la-  
titudinem pretii tunc currentis, quando alio-  
qui tunc non forent vendituri, sed in prævi-  
um tempus majoris valoris servaturi. Con-  
trarium vero constat ex cap. naviganti de u-  
suris, ubi Gregorius IX. declarat, illicitum  
esse carius nunc merces vendere, eò quod  
prævideantur futurae postea cariores; cum  
hac tamen exceptione (qua regulam firmat  
in contrarium) si tamen eas tempore contrafactis  
non fuerat venditurus.

### C A P U T XXX.

*Conditiones necessariæ servanda ad aliquid supra  
sortem justè exigendum, titulo lucri cessantis,  
damnique emergentis.*

Prima est ut mutuum vere sit causa dam- 364  
ni emergentis, lucrivi cessantis, ita ut  
mutuans damnum non incurrit, vel lu-  
crum probabiliter consecutus fuisset, si non  
mutuasset. Mutuum vero non censetur vere  
causa lucri cessantis, nisi dum mutuans pe-  
cuniā negotiationi, vel emptioni rei frugi-  
ferae destinatam, inde distrahit, ut eam ti-  
bi mutuet. Quia si alias cum illa pecunia  
non erat negotiaturus, &c. lucrum vere non  
dicitur illi cessare ex mutuo. Tunc proinde  
aliquid supra sortem exigere, prætextu lucri  
cessantis, usura est. Toletus l. 5. c. 33.

Secunda, ut mutuans alias penes se non 365  
habeat pecunias otiosas ( id est nec destina-  
tas negotiationi, nec familiae usibus, nec fi-  
liarum dotibus, nec casuum fortitorum  
provisioni ) si enim tales habeat, quas in  
eamdem applicationem lucrative commo-  
dè substituere queat, quam pecuniam mu-  
tuatam, titulus lucri cessantis tunc fictitus  
est, non verus, quemadmodum & titulus  
damni emergentis. Neque enim mutuum  
tunc vere est causa lucri cessantis, magis  
quam damni emergentis, quia mutuum ve-  
re non obstat ne lucretur, damnumve vitet,  
sed sola voluntas ipsius. Ita Cajetanus, Na-  
varrus, Toletus, &c.

Tertia, quod spes erat probabilis lucri ex 366  
tali pecunia futuri, si non fuisset mutuò da-

Ccc 3